

P.U. (A) 469/2005

AKTA SURUHANJAYA SEKURITI 1993

**PERINTAH SURUHANJAYA SEKURITI (KETIDAKPAKAIAN PENGGAL 5
BAHAGIAN IV) 2005**

PADA menjalankan kuasa yang diberikan oleh seksyen 124 Akta Suruhanjaya Sekuriti 1993 [*Akta 498*], Menteri, atas syor Suruhanjaya, membuat perintah yang berikut:

Nama

1. Perintah ini bolehlah dinamakan **Perintah Suruhanjaya Sekuriti (Ketidakpakaihan Penggal 5 Bahagian IV) 2005**.

Tafsiran

2. Dalam Perintah ini, melainkan jika konteksnya menghendaki makna yang lain—

“pelabur berkeelayakan” ertinya—

(a) seseorang individu yang jumlah bersih aset persendiriannya melebihi tiga juta ringgit atau yang sama nilainya dalam mata wang asing;

(b) sesuatu perbadanan dengan jumlah bersih aset melebihi sepuluh juta ringgit atau yang sama nilainya dalam mata wang asing berasaskan kepada akaun teraudit yang terakhir; atau

(c) suatu skim amanah saham atau skim pelaburan yang ditetapkan;

“pengurus kumpulan wang” mempunyai erti yang sama sebagaimana yang ditakrifkan di bawah Akta Perindustrian Sekuriti 1983 [*Akta 280*].

Ketidakpakaian Penggal 5 Bahagian IV Akta

3. (1) Tertakluk kepada subperenggan 3(2), peruntukan penggal 5 Bahagian IV Akta tidak terpakai berkenaan dengan mana-mana terbitan, tawaran bagi langganan atau pembelian, atau pelawaan untuk melanggan atau membeli, apa-apa unit berhubung dengan sesuatu skim amanah saham yang dibuat khusus kepada pelabur berkeelayakan oleh seseorang pengurus kumpulan wang berlesen.

(2) Pengurus kumpulan wang berlesen yang menerbitkan, menawarkan bagi langganan atau pembelian, atau mempelawa untuk melanggan atau membeli, apa-apa unit kepada pelabur berkeelayakan hendaklah mematuhi apa-apa kehendak yang ditentukan oleh Suruhanjaya.

Dibuat 19 Oktober 2005

[KK/BPKA/K2/(S)/483/9/1; PN(PU²)523/III]

TAN SRI NOR MD BIN YAKCOP
Menteri Kewangan Kedua